

G J A L D S K R Á

fyrir Rafveitu Akureyrar.

I. RAFORKA

Rafveita Akureyrar selur raforku á þann hátt og við því verði, sem hér segir:

A. Lýsing.

Um kwst.mæli á kr. 2.46 hverja kwst.

B. Almenn heimilisnotkun.

1. Um tvo kwst.mæla, annan til ljósa, hinn til suðu og hitunar. Á ljósamælirinn reiknast ljósagjald kr. 2.46 á kwst., en á hinn mælinn 42 aurar á kwst. Suðu- og hitunartæki skulu vera fastengd. Þó má tengja eldavél um sérstakan 25 amp. eldavélastengil og hafa einn tengil að auki í eldhúsinu fyrir suðutæki, strokjárn o. þ. h.
2. Um einn kwst.mæli fyrir alla notkun á heimilinu á 40 aura hverja kwst. Auk þess greiðist fastagjald 50 aurar á mánuði af hverjum fermetra gólfplatar íbúðarherbergja.

Þegar nægjanlegt rafmagn er fyrir hendi, er bæjarstjórn heimilt að lækka um tíma gjöld samkvæmt þessum lið, án staðfestingar ráðuneytisins, fyrir þá notkun, sem er umfram það, sem gert er ráð fyrir að fari til ljósa og suðu.

Við útreikning á gólfleti skal telja öll herbergi, sem eru ætluð til íbúðar, og eldhús, en ekki ganga, baðherbergi eða geymslur. Tekið skal tillit til, ef um súðarherbergi eða þvilíkt er að ræða.

C. Vélanotkun.

1. Um kwst.mæli á 108 aura hverja kwst., þó skal minnsta árgjald vera kr. 200.00 á hvert kw. í málraun vélanna.
2. Um mæla á kr. 672.00 á ári fyrir hvert kw. mesta notaðs afls á árinu og auk þess 8.4 aura á notaða kwst.
3. Ef um meira en 10 kw. afl er að ræða og ársnotkunartími er meiri en 500 klst. um kwst.mæli þannig:
Fyrsta 50000 kwst. ársnotkun 55 aur. á kwst.
Notkun umfram það 42 aur. á kwst.

D. Hitun.

1. Um kwst.mæli á 15 aura hverja kwst., enda megi þá rjúfa strauminn með klukkurofa í 3 klst. á dag á tímum mesta álags rafveitunnar um hádegi og síðdegis, en þó eigi lengur en 1½ klst. í senn.
2. Um tvígjaldsmæli á 9 aura hverja kwst. frá kl. 23 til kl. 8, en á 18 aura frá kl. 8—23. Strauminn megi þó rjúfa á sömu tímum og við D-1.
3. Um kwst.mæli á 7.5 aura hverja kwst., ef straumurinn er rofinn með klukkurofa, frá kl. 8 til 23.00.
4. Til hitunar í iðnaði, við handiðn eða atvinnurekstur á:
 - a. Á 12 aura hverja kwst., enda sé þá minnsta notkun 10000 kwst. á ári.
 - b. Um tvígjaldsmæli á 10 aura hverja kwst. frá kl. 23 til kl. 8 og 24 aura frá kl. 8 til 23.

- c. Um hemil eða hemil-mæli á kr. 550.00 árs-kw. og 24 aura á kwst. fyrir alla 77
umframnotkun. Rafveitustjóri ákveður stillingu hemils. Við sölu samkvæmt 4. maí
gjaldskrárlíðum D 2, a, b og c má bæta því skilyrði, að afslátt megi veita, sem
því nemi, að raforkunotkun verði eigi dýrari en sambærileg notkun með
kolum. Skal þá reikna út afsláttinn um hver áramót eftir á.

Önnur skilyrði fyrir raforkusölu til hitunar.

- Að vélaafl, götulínur og spennar þoli álagið, að dómi rafveitustjóra.
- Að notandinn kosti tengingu klukkurofa fyrir hitalögnina og greiði leigu fyrir hann samkvæmt reglum, er gilda um leigu mæla.
- Að hitalagnir, þar með talin öll tæki, séu gerðar samkvæmt fyrirmælum rafveitunnar, ofnar fasttengdir og hitastillar notaðir.

E. Önnur raforkunotkun.

- Rafveitustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra hvenær sem þarf, að dómi rafveitustjóra.
- Þegar sérstaklega stendur á, má rafveitustjórn, í samráði við rafveitustjóra, selja raforku eftir sérstökum samningi í hvert skipti.
- Gjald fyrir götu- og hafnarlýsingu ákveður bæjarstjórn eftir tillögu rafveitustjórnar.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækinu samkvæmt eftirfarandi skrá:

Tegund mælitækis:	Ársleiga í krónum			
	Upphæð að 5 amp.	5—30 amp.	35—75 amp.	Yfir 75 amp.
Einfasa mælar	12.00	24.00	„	„
Einfasa frádráttarmælar ..	42.00	„	„	„
Þrífasa mælar	42.00	42.00	63.00	84.00
Tvígjaldsmælar	„	63.00	84.00	105.00
Lausar skiptiklukkur	24.00	„	„	„

Af öðrum mælitækjum en þeim, sem nefnd eru í skránni, skal leigan vera að minnsta kosti 15% af verði mælitækjanna.

Leigan skal innheimt um leið og gjald fyrir raforku.

III. OPNUNARGJALD

- Hafi gjald fyrir raforku eigi verið greitt, svo að til lokunar hafi komið fyrir veitu, skal taka gjald fyrir endurofnun veitunnar 20 krónur.
- Ef fundin eru óleyfileg vör við skoðun eða of stór, skal loka veitunni tafarlaust, og verður hún ekki enduropnuð fyrr en notandinn hefur greitt 20 króna gjald á skrifstofu rafveitunnar.

IV. BRÁÐABIRGÐAÁKVÆÐI

Gjöld samkvæmt D-lið gjaldskrárinnar breytast með kolaverði á Akureyri, þannig að gjaldskrárverð teljist jafngilda 360 kr. verði á kolatonni og hækki og lækki í sama hlutfalli og útsöluverð kola í bænum á hverjum tíma. Þó skal verð á kwst. samkvæmt þessum lið ávallt standa á hálfum eyri eða heilum. Raforkuverð og önnur gjöld samkvæmt öðrum liðum gjaldskrárinnar en D-lið hækki um ½% fyrir hvert stig, sem kauplagsvísitala er umfram 154.

77

V. HEIMILD TIL BREYTINGA

4. maí

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins, enda auglýsi bæjarstjórnin breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum nr. 12 2. apríl 1946, til þess að ganga í gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Akureyrar, nr. 36 16. marz 1951, ásamt breytingu á þeirri gjaldskrá, nr. 176 27. september 1951.

Atvinnumálaráðuneytið, 4. maí 1955.

Steingrímur Steinþórsson.

Þorv. K. Þorsteinsson.

78

SAMÞYKKT

7. maí

um lokun sölubúða í Stykkishólmi.

1. gr.

Sölubúðum í Stykkishólmi skal lokað eftir því sem ákveðið er í 2., 3. og 4. gr. samþykktar þessarar.

2. gr.

Alla virka daga ársins skulu sölubúðir vera lokaðar frá kl. 18 til kl. 9. Þó skulu vera frá þessu þær undantekningar, er nú skal greina:

Aðfangadag jóla skal sölubúðum vera lokað eigi síðar en kl. 13. Laugardaginn fyrir páska og hvítasunnu skal lokað eigi síðar en kl. 12. Síðasta virkan dag fyrir aðfangadag jóla, er heimilt að hafa opnar sölubúðir til kl. 24, og þriðja dag virkan fyrir aðfangadag til kl. 22. Þann þriðja í jólum skal opna kl. 10 f. h.

Á tímabilinu 1. maí til 30. september skal á laugardögum loka sölubúðum eigi síðar en kl. 12, en á föstudögum eigi síðar en kl. 19 allt árið.

Frá 1. október til 30. apríl skal sölubúðum lokað eigi síðar en kl. 13 á laugardögum.

3. gr.

Alla helgidaga þjóðkirkjunnar, sumardaginn fyrsta, 1. maí, 17. júní og fyrsta mánudag í ágúst, mega engar sölubúðir vera opnar. 1. desember skal sölubúðum lokað kl. 12.

4. gr.

Frá ákvæðum um lokun sölubúða í samþykkt þessari skulu enn fremur vera þessar undantekningar:

Brauð- og mjólkurbúðum má halda opnum á almennum helgidögum. Sumardaginn fyrsta, 1. maí, 17. júní og fyrsta mánudag í ágúst frá kl. 9 til 12, eingöngu til sölu á brauðvörum, mjólk og mjólkurvörum.

Ákvæði samþykktarinnar ná ekki til lyfjabúða. Þeim er þó ekki heimilt að selja eftir lokunartíma sölubúða nokkurn þann varning, sem ekki má selja nema samkvæmt verzlunarleyfi.

5. gr.

Þá, sem komnir eru inn í sölubúð fyrir lokunartíma, er heimilt að afgreiða eftir að lokað er.